




JAVNA USTANOVA DOM ZDRAVLJA KANTONA SARAJEVO

Kanton Sarajevo, Federacija BiH, Bosna i Hercegovina
Public Institution Health Center of Sarajevo Canton
Sarajevo Canton, Federation of BiH, Bosnia and Herzegovina



Broj: 0603-0403-147-2/16
Sarajevo, 23.03.2026. godine



SKUPŠTINA KANTONA SARAJEVO

PREDMET: Odgovor na zastupničku inicijativu

Poštovani,

Na 28. redovnoj sjednici Skupštine Kantona Sarajevo, a u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 31/12 - Drugi novi prečišćeni tekst, 15/13, 47/15, 48/16, 9/20, 16/20, 16/22, 17/22 - Ispravka i 47/24), zastupnica Admela Hodžić uputila je zastupničku inicijativu:

“da se što prije poduzmu sve potrebne mjere i radnje kako bi se na području općine Trnovo ali i na kompletnom turističkom lokalitetu koje obuhvata planina Bjelašnica uspostavile zajedničke prostorije za ambulantu i punkt hitne pomoći sa kompletnim timovima medicinskog i drugog kadra, koje će građanima i mnogobrojnim turistima pružati medicinsku zaštitu i hitnu pomoć 24 sata dnevno na kompletnom lokalitetu, te da u saradnji s Općinom Trnovo pristupe iznalaženju rješenja najpristupačnije lokacije za prostorije za kompletno područje.“

Vezano za Dopis br: 01-04-57021-32-1/25, obrazlažemo:

JU Dom zdravlja Kantona Sarajevo izražava jasnu, profesionalnu i razvojno orijentisanu podršku realizaciji predmetne inicijative za unapređenje dostupnosti zdravstvene zaštite stanovništva, kao i zdravstvenu sigurnost posjetilaca turističkog lokaliteta Bjelašnica.

U skladu sa odredbama Zakona o zdravstvenoj zaštiti Federacije BiH („Službene novine FBiH“, br.46/10 i 75/13), posebno člana 13. i 24. zdravstvena djelatnost na nivou primarne zdravstvene zaštite organizuje se na način da osigura kontinuiranu, dostupnu i sveobuhvatnu zdravstvenu zaštitu stanovništva, što predmetnu inicijativu čini potpuno opravdanom i usklađenom sa strateškim ciljevima zdravstvenog sistema.

Organizacija tima porodične medicine, u skladu sa članom 6. i članom 34. Pravilnika o standardima i normativima zdravstvene zaštite iz obaveznog zdravstvenog osiguranja („Službene novine FBiH“ br. 82/14, 107/14 i 58/18), podrazumjeva standardiziran sastav tima (doktor medicine / specijalista porodične medicine i medicinska sestra / tehničar), uz trenutno važeći normativ opterećenja 1800 osiguranika po timu, uz što predstavlja osnov za planiranje kadrovskih resursa. Ističemo da je zbog geografske specifičnosti terena, te udaljenosti

zdravstvenih ustanova sekundarnog i tercijernog nivoa neophodno obezbjediti sanitetsko vozilo uz vozača istog.

Nadalje, u skladu sa članom 9. 10. i 11. Pravilnika o bližim uslovima u pogledu prostora, kadra i medicinsko-tehničke opreme za obavljanje zdravstvene djelatnosti („Službene novine FBiH“, br. 26/12 i 23/12), neophodno je obezbjediti adekvatne prostorne i tehničke kapacitete, uključujući funkcionalno organiziranu ambulantu, odgovarajuće sanitarno-higijenske uslove, kao i standardiziranu medicinsko-tehničku opremu.

Posebno ističemo da u skladu sa navedenim propisima, realizacija inicijative je neraskidivo vezana za obezbjeđenje adekvatnih finansijskih sredstava koja podrazumijevaju:

- zapošljavanje i dugoročno finansiranje kadra
- nabavku i održavanje medicinsko-tehničke opreme
- adaptaciju ili izgradnju prostora u skladu sa važećim standardima
- integraciju u informacioni zdravstveni sistem i logističku podršku

U tom kontekstu JU Dom zdravlja Kantona Sarajevo izražava spremnost da u okviru svojih nadležnosti aktivno učestvuje u planiranju i implementaciji projekta, ali i naglašava da je za njegovu potpunu realizaciju neophodno osigurati stabilan i održiv model finansiranja u saradnji sa Ministarstvom zdravstva Kantona Sarajevo, Zavodom zdravstvenog osiguranja Kantona Sarajevo, uz sinergiju sa Zavodom za hitnu medicinsku pomoć KS. S ciljem ubrzane realizacije predlažemo pokretanje koordiniranog procesa koji bi uključivao:

- izradu detaljne procjene zdravstvenih potreba
- definisanje optimalnog modela organizacije
- planiranje budžetskih i infrastrukturnih ulaganja u skladu sa normativima
- faznu implementaciju projekta

Menadžment JU Dom zdravlja Kantona Sarajevo ostaje opredeljen da u partnerstvu sa nadležnim institucijama doprinese realizaciji ove inicijative, uvjeren da ona predstavlja značajan korak ka unaprjeđenju zdravstvene zaštite i sigurnosti građana i posjetilaca Kantona Sarajevo.



GENERALNI DIREKTOR

[Redacted signature]
din Tatarević,
ne medicine

DOSTAVITI:

1. Naslovu
2. Ministarstvo zdravstva Kantona Sarajevo
3. Generalni direktor
4. a/a